






# Moipone le Sego sa gagwe

-  Ursula Nafula
-  Catherine Groenewald
-  Lorato Trok
-  Tswana
-  Level 4

(imageless edition)





Lelapa la gaabo Moipone le ne le tletse boitumelo.  
Moipone o ne a nna le batsadi ba gagwe. Ba ne ba  
tlhokafala fa Moipone a le dingwaga di le lesome.



Mosadimogolo Rosa o ne a tsaya Moipone go nna  
le ene. O ne a siametse Moipone, fela o ne a  
tsofetse thata ebile e le modidi.



Moipone o ne rata go etela mabitla a batsadi ba gagwe. O ne a lela mme a ba bolelela tshotlego ya gagwe.



Ka letsatsi lengwe fa a ba etetse, o ne a amogela mpho. Segoo se se ntle se ne sa tlhagelela go tswa mo mabitleng a batsadi ba gagwe.



Sego se ne sa opela pina e e monate e e namatsang e re... Moipone we, Moipone! Ngwana wa rona o o rategang! Ga o khutsana, moratiwa! Tsaya sego se, moratiwa! Se rwale gongwe le gongwe ko o yang, moratiwa! A se go babatse, moratiwa! Moipone o ile a lemoga lentswe la ga moswi mmagwe.



Moipone o ne a tsamaya kasego sa gangwe gongwe le gongwe. Se ne se mo sireletsa fa a ya nokeng go ya go ga metsi. Ka sego se, Moipone o ne a utlwa e kete batsadi ba gagwe ba sa tshela.



Ka letsatsi lengwe ga diragala matlhotlhapelo ka sego sa ga Moipone Se ile sa thubega fa Moipone a ga metsi kwa nokeng. Pelo ya ga Moipone le yone e ne ya thubega ka kutlobothoko.





Moipone o ile a tshwara manathwana a sego sa gagwe mme a opela: Mme le rre, Bonang sego se thubegile. Segoe se lo mphileng sone. Ke dire eng batsadi ba me? A molemo wa lona o mpontsheng sengwe... Gore lo santse lo na le nna.



Moipone o ile a utlwa lentswe la ga mmagwe le re:  
Ngwana wa rona, Sela manathwana a a setseng.  
Gelela metsi ka ona mme o tlhape maoto a gago. Fa  
o fetsa go tlhapa, o tswale matlho. Moipone o ile a  
dumela mme ka ponyo ya leitlho, sego se se  
thubegileng se ile sa siama gape.



Moipone o ile a tswelela go tsamaya gotlhe ka sego sa gagwe. Kwa a neng a feta teng, batho ba ne ba sebaseba ba re, “Ke sego sa mofuta ofe se?” Ka sego se sa gagwe, Moipone o ne a amogela tshotlhe tse a di tlhokang.



Ka sego se, Moipone o ne a itse gore batsadi ba gagwe ba mo sireleditse. Go ne go sena bosula bo bo neng bo ka mo diragalela.



# Storybooks South Africa

[global-asp.github.io/storybooks-southafrica](https://global-asp.github.io/storybooks-southafrica)

## Moipone le Sego sa gagwe

Written by: Ursula Nafula

Illustrated by: Catherine Groenewald

Translated by: Lorato Trok

This story originates from the African Storybook ([africanstorybook.org](https://africanstorybook.org)) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons  
[Attribution 3.0 International License](https://creativecommons.org/licenses/by/3.0/).